



## **TOSHKENT DAVLAT YURIDIK UNIVERSITETI REKTORINING B U Y R U G ' I**

10.01.2025

21-tm-son

### **Talabaga hayfsan intizomiy jazo chorasi qo'llash to'g'risida**

Bugungi kunda universitetda yuqori malakali, zamonaviy yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi qoidalarini buzish holatlari kuzatilmoqda.

Jumladan, Ommaviy huquq fakulteti Yurisprudensiya yo'nalishi 1-kurs talabasi Abdug'aniyev Umar Abdug'aniyevich Legal Tech modulidan oraliq nazorat uchun tayyorlagan taqdimotiga uyatsiz harakatlar tasvirlangan rasm joylashtirib, 2024-yil 18-dekabr kuni dars mashg'uloti davomida o'qituvchi va talabalar orasida namoyish qilganlik holati aniqlangan.

Talaba U.Abdug'aniyev tomonidan ushbu holat bo'yicha tushuntirish xati olinganida, haqiqatdan ham dars mashg'uloti paytida uyatsiz rasm mavjud bo'lgan taqdimot materialini namoyish qilganligini lekin, ushbu ma'lumotni o'zi emas, telegram bot orqali tayyorlatganini tasdiqlab, qayta takrorlamasligini bayon etgan.

Talaba U.Abdug'aniyev mazkur harakatlari bilan universitet Odob-axloq kodeksi 17-moddasi o'ninchi va o'n beshinchi xatboshisi talablarni buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral)ning 51-bandi, universitet Odob-axloq kodeksi 17-moddasi o'ninchi va o'n beshinchi xatboshisi Toshkent davlat yuridik universiteti Ichki tartib qoidalarining 83-bandi, hamda Kiber huquq kafedrasi o'qituvchisi P.G'ulommamatovanning bildirgisiga asosan

### **BUYURAMAN:**

1. Universitet Ommaviy huquq fakulteti 1-kurs talabasi Abdug'aniyev Umar Abdug'aniyevichga hayfsan intizomiy jazo chorasi qo'llanilsin.
2. Ommaviy huquq fakulteti dekani (Sh.Saydullayev):  
mazkur buyruq bilan qo'llanilgan intizomiy jazo chorasini fakultet talabalari

o'rtasida shu kabi holatlar takroran yuzaga kelmasligi, ularda dars mashg'ulotlari hamda professor-o'qituvchilarga bo'lgan hurmatni shakllantirish maqsadida barcha talabalar e'tiboriga yetkazish choralarini ko'rsin;

ushbu holat va shu kabi qoidabuzarlik ushbu talaba tomonidan takroran sodir etilsa, uni talabalar safidan chetlashtirish mumkinligi to'g'risida ogohlantirsin;

mazkur talabaning shaxsiy hujjatlar yig'ma jildiga buyruq nusxasi tikilishini ta'minlasin.

3. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonov zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

**Kelishildi:**

Yoshlar masalalari va ma'naviy-  
ma'rifiy ishlar bo'yicha birinchi  
prorektor

Katta yuriskonsult

SH.SAYDULLAYEV



A.XASHIMHONOV



A.TURSUNOV

